

春花撷英(组诗十二首)

■李绍彬

迎春花开
翠枝先占早春晖，
串串鹅黄带露飞。
自知不入时人眼，
默然报得暖风归。

梅花退寒
疏枝冷艳最惹眼，
孤香轻吐倚栏杆。
几番磨砺笑风雪，
拼将残英退余寒。

红杏出墙
万木争荣趁时光，
红杏一枝探出墙。
不教庭深锁春色，
敢借晓风试浅妆。

连翘垂金
暖日照照百草芳，
柔条垂金散平岗。
舍前舍后添秀色，
园内园外灿灿黄。

桃李并艳
桃腮粉面李花霜，
同倚东风斗靓妆。
觅诗欲写城南春，
崔护题绝在短墙。

天香国色
姚黄魏紫映春光，
借取胭脂入画坊。
一朝花开悔武后，
满城国色动洛阳。

菜花流香
风来波涌接天黄，
扯片金光做盛装。
漫野流香沾衣袖，
踏春谁不醉仙乡。

玉兰奉盏
素影亭亭向晓天，
玉肌冰蕊凝晨烟。
春风一盏倾心奉，
不惹尘埃自雅然。

樱花如潮
千枝簇簇接云涛，
一绽惊春满平皋。
东湖游人踏香醉，
花开花谢真如潮。

紫藤绾春
谁铺紫锦上篱墙，
香魂袭人绾春光。
枯藤繁花堪入画，
绰约仙姿绕回廊。

海棠依旧
满树清芳傍西厅，
总引情思上九重。
花语故影今安在，
散入寻常巷陌中。

杜鹃映日
杜鹃映日杜鹃鸣，
花海人潮共霞涌。
人间芳菲渐欲尽，
岭上独笑映山红。

红叶石楠

■庞黎明

踏春几度不思回，独恋石楠忘却归。
更把喜神请府上，一篱红叶泛新辉。

针药针心二首

■胡杰一

针心
妙手能通天地脉，金针度厄启心扉。
捻将春气疏肝木，引罢泉鸣醒耳鸣。
魔遣癫狂归大壑，神回清朗入空庭。
杏林月透千窗雪，元化灯传万缕星。

针药
躬稼杏林晴日光，电针通络药生香。
灵台拨雾开天镜，妙手回春解郁肠。
病榻愁云随术散，庭前喜泪共欢扬。
仁慈济世终无悔，医患同心福满堂。



葛英 摄

鹧鸪天·春满三川

■姜玉海

春到三川满翠微，诗朋乡野探芳菲。晴空燕剪云浓淡，紫岸花飞叶瘦肥。

如梦醉，赏春归，风梳细柳几多回。时花杏蕊红唇露，颀岸桃枝展俏眉。

踏春

■田兴才

冻水初融柳眼开，东君挥袂绿云裁。
千丝蘸露梳烟鬓，一笛牵莺绕榭台。
灞岸曾折青玉管，隋堤空忆紫骝骸。
莫嗔飞絮迷归路，半入诗囊半入苔。

[中吕·山坡羊]春分龙头举

■赵芳秋

春分节喜，出门见喜，马年二月龙头举。唱新歌，谱新曲，百花竞秀东风续。期待朝朝捷报寄。人，如愿遇；心，添乐趣。

诗情画意 词曲雅对